

奩

史

舊史卷四十八

東吳王初桐于陽篡述

同里金 燾葆和校刊

文墨門六

紙墨筆硯

傅道坤善丹青筆墨楮硯以四婢典之時不停肘其
夫范君研膏拂箋嘖嘖從史而已無聲詩史

鄧后臨朝禁絕貢獻歲時但貢紙墨東觀漢記

賈后召愍懷太子入朝置於別室遣婢陳舜賜太子
酒三升強之使醉又令小婢承福以紙筆授太子使

書之字半不成后補成之廢太子 侍兒小名錄

楊達贈姚月華以筆墨書側理云奉送不律隄糜有
二女侍側問曰不律隄糜何也姚曰楚謂之聿吳謂
之不律燕謂之弗皆筆名也漢人有墨曰隄糜女子
博物有如此者 鄭媛記

陳孟賢有侍姬曰梅花居士掌筆墨 吳中往哲記

甄后九歲喜用諸兄筆硯兄曰當作女博士耶 魏書

霍小玉雅好詩書筐箱筆硯皆霍王家舊物 霍小玉傳

皇太后皇太妃筆硯局有筆硯祇候郎君 遼史

趙婕妤妬後傳能生子詔封藥二枚赫蹏書曰告傳

能努力飲藥注赫蹏薄小紙也

漢書

衛夫人云紙取東陽魚卵虛柔滑淨者

筆陣圖

張貴妃孔貴嬪裝彩牋製五言詩

箋紙譜

顏令賓居南曲中舉止風流好尚閒雅頗爲時賢所

厚歌詩留贈五彩箋常滿箱篋

北里志

崔寧夫人任氏以浣花溪水製箋後薛濤效之

蜀中廣記

薛濤居浣花溪溪邊人多造十色彩箋濤別模新樣

小幅松花箋寄獻元微之元卽以其紙寄贈一篇卽

錦江滑膩峨眉秀幻出文君與薛濤也

牧豎閒談

薛濤撰深紅小彩箋時謂之薛濤箋

劉箋譜

薛濤造十色彩箋有松花紙金沙紙襍色流沙紙彩霞金粉龍鳳紙近年皆廢惟綾紋紙尙在韓偓詩十樣蠻牋出益州

升菴外集

薛濤十樣牋其目曰深紅粉紅杏紅明黃深青淺青深綠淺綠銅綠淺雲凡十樣又有松花金沙彩霞流沙金鳳桃花冷金之別卽異其名

成都古今記

元和初薛濤尚松花箋而好製小詩惜其幅大乃狹小爲之名曰薛濤箋

文房四譜

松花牋其來舊矣世以爲薛濤箋誤也

資暇錄

薛濤箋亦名蜀牋

洞天清錄

薛濤養紙以芙蓉粉借其色

文房寶飾

成都有畊者得薛濤墓棺懸石室中四圍環以彩牋

無慮數萬顏色鮮好觸風散若塵霧

漱石閒談

雲母箋薛濤箋之遺也

方以智通雅

步非煙趙象以金鳳牋剡溪玉葉紙題詩相贈答水
小廣

非煙授象碧苔牋詩象剪烏絲闌爲回紇

箋紙譜

宗羨思桑娣不見徘徊川上見一大魚浮於水面宗

羨出詩納其口魚吞之卽躍去桑娣聞叩閤聲啓戶

視之惟見彤霞牋一幅宗羨詩也

元散堂詩話

霍小玉命侍兒櫻桃褰幃執燭授李生筆硯又取珠
絡縫綉囊中出越姬烏絲欄素段以授生生素多才
思援筆成章

侍兒小名錄

謝翱寓居長安一日晚步眺終南峰見一騎馳來近
乃雙鬟駐謂翱曰願郎歸所居入見堂中設茵毯張
帳帶錦繡輝映頃之有金車至一美人入門與翱相
見曰聞此地有名花故來與君一醉耳卽命酒遞酌
夜闌謂翱曰聞君善詩願見贈翱因命筆賦詩美人
取絳箋寫詩答之筆札甚工遂顧左右撤帷帶命燭
登車翱送至門數十步而沒

宣室志

蜀太后賜張嬪霞光牋五百幅令寫詩以進

十國春秋

韋貫夢至宮中有婦人授以牋曰此衍波牋煩賦宮

中曉寒

詩話總龜

王瓊奴徐荅郎妻未娶時以紅箋一幅遺之瓊奴題
詩荅云茜色霞牋照面赭玉郎何事太多情風流不
是無佳句兩字相思寫不成

名媛瑣囊

紫竹與方喬从別覓銀光牋序其悲愁之意

鄭媛記

凡官誥之制后妃銷金雲龍羅紙十七張銷金襖袋
寶裝軸紅絲網金帟楷公主銷金大鳳羅紙十七張
銷金襖袋璚瑁軸紅絲網塗金銀帟楷脩儀婉容才

人貴人美人銷金小鳳羅紙七張銷金襖袋瑇瑁軸
紅絲網塗金銀帔楷司言司正尚衣尚食典寶常使
金花羅紙七張法錦襖袋內降夫人郡君團窠羅紙
七張暈銀襖袋宗室婦常使金花羅紙七張法錦襖
袋宗室女素羅紙七張法錦襖袋國夫人錦金團窠
五色羅紙七張暈錦襖袋郡夫人常使金花羅紙七
張法錦襖袋以上至司言司正等皆用瑇瑁紫絲網
帔楷郡君縣太君遙郡刺史正郎以上妻並銷金常
使羅紙七張餘命婦並素羅紙七張

春明退朝錄

明宮妃寫金字經多用瓷青紙

客燕雜記

趙燕如金陵名娼也謝友人送吳牋詩云感君寄吳

牋牋上雙飛鵲但效鵲雙飛不效吳牋薄

書影

張林夢一女郎授碧玉箋曰此女媧箋也

西邕箋史

恭順侯姬人偶有他事違侯意錮別室中姬以小赫

蹠作書叙其辛楚中有長生殿卷中人語侯見之不

解所出典籤曰此玉環崔徽二故實也侯大喜即日

迎歸邸第寵愛如初

婦人集

顏室之常令侍女王碧雲展紙

靜志居詩話

曹靜照宮詞椒房領得金龍紙

紅蕉集

昧娘以玉篆獅鎮紙

觚牋

鄂渚女子昭涼詩薛濤牋紙鎮碑礫 本事詩

漢王肅居會稽東齋中夜有女子從地出稱越王女
與肅語曉別贈墨一九肅方欲注周易因此便覺才
思開悟 墨苑

衛夫人云墨取廬山之松煙代郡之鹿膠十年以上
強如石者 筆陣圖

九子墨祝婚者多子之義也祝曰九子之墨藏於松
煙本性長生子孫無邊 文房四譜

趙韓王子婦蓐中血運以古墨研服卽愈 王彥若墨說

汲太子妻李與夫書云致尚書墨十螺 婦人集

薛濤養墨以豹皮囊貴於遠濕

文房寶飾

班女孟含墨一口噴紙皆成文字各有意義

女世說

吳敏有侍兒名遠山美姿能通文理敏每爲文使供筆硯之役一日有訪之者敏方據案運筆遠山則磨墨拂紙時服其風流

三朝北盟會編

吳元中起草令婢遠山磨喻糜墨文卽佳

詩廊偶筆

明寧國大長公主所用遺墨半挺上用紫金打成一口吞之

香齋筆記

常熟時敏知海寧縣事夜草爰書有女子侍側磨墨問從何來曰鬼也

靜志居詩話

李研齋之繼室曰鍾山秀才浮渲梳頭凝妝特妙每
一出遊則秦淮麗人爭先窺倣其婢墨池性亦明慧
秀才常畫蘭竹輒令墨池以口退墨李詩云別有香
在口莫畏胭脂黑

解脰

予在金陵見墨竹數幅問何人畫曰鍾山秀才也無
何大司馬爲予納聘及歸有媵名墨池問之則以爲
是侍作畫者每畫宜墨之淡俾此女以口受筆退其
墨故名墨池久之予貧窶秀才之奩物皆爲予盡則
以墨池適於人適之無幾日其家人來言墨池死矣
死之先墨池夢其母撫之曰汝何離秀才汝有墨祿

今絕之矣秀才聞之淚下 李研齋墨池傳

端溪陸氏姬人職司磨墨字曰墨西 香閨四友傳

宮中有娠賜香墨十錠紅羅影金匣 武林舊事

魏武帝劉嬀好以七月七日折琉璃筆 時鏡新書

衛夫人云筆取中山兔毫鋒齊腰強者 筆陣圖

南朝有姥善作筆筆心用胎髮 西陽雜俎

張麗華試東郭婉紫毫筆書小研紅牋答江令 大業拾遺

記

李白於便殿撰詔詰時大寒筆凍明皇勅宮嬪十人侍於李白左右令各執牙筆呵之 開元天寶遺事

龍女令許漢陽寫江海賦其筆乃白玉爲管

博異記

薛濤養筆以硫黃酒濡其毫

文房寶飾

范質母張氏夢人授五色筆而質生

東都事略

故宋宮人藏德壽供奉筆兩枝

研北雜志

左思嬌女詩云握筆利彤管

玉臺新詠

紫姑有詠筆詩

齊東野語

虞櫻桃有翡翠筆牀

瑣題綴志

太子納妃有漆硯

晉儀注

衛夫人云硯取潤澀相兼浮津耀墨者

筆陣圖

謝氏道韞小硯有銘云絲紅清石墨光洪璧資我文

翰玉砮堅質末有道韞字池北偶談

沈約女有工字硯耳談

楊貴妃曾爲李白捧硯開元傳信錄

龍女請許商書江海賦用碧玉硯誠齋雜記

薛濤養硯以文綾蓋貴乎隔塵文房寶鑑

李伯牖女子研銘既非牛渚望夫之石又非上虞幼

婦之碑琢爲海東節婦之研堅潤而含風漪其以付

伯牖之孤女他日或能衛夫人之筆札曹大家之文

詞鐵網珊瑚

陸漢東有小硯是南漢劉鋹宮中物有鋹宮人離非

女子築銘 池北偶談

晏元獻夫人王氏超之女也元獻壻富鄭公鄭公壻馮簡文簡文壻朱聖子聖子女適滕子濟俱爲執政元獻有古硯一奇甚王氏舊物也諸女相授號傳壻

硯 揮毫前錄

王霞卿嘗題唐安寺樓粉壁云光啓三年二月登於

是閣時有輕綃捧硯小玉看題

續補侍兒小名錄

士女曹妙清號雪齋有硯名玉帶袍

西湖竹枝詞注

黃華田妻月鹿夫人有研癖曾以千金市十研

西史

顏室之常令侍女齎妙福捧硯

靜志居詩話

歸淑芳詩暮喚蓮蓮滌古硯蓮蓮侍兒名

雲和閣集

硯神曰淬妃

娜娘記

龍女碧玉硯玻璃爲匣硯中皆研銀水

博異記

虞櫻桃有琉璃硯匣是管夫人舊物

瑣應錄志

陸棊贈女史文英云琉璃硯匣鎮隨身

本事詩

印

唐制太后皇后皆無印凡封令書太后用宮官印皇

后用內侍省印

通史拾遺

太平公主武氏家玉印四胡字也

述書賦注

宋劉貴妃稱劉娘子專掌御前文字工書畫畫上用

奉華堂印

清賞錄

劉娘子有奉華大小二印又有閉關領酒之裔一印

此劉家事然以婦人用之恐不類也

志雅堂雜鈔

寧宗楊皇后有坤卦小圖印

書畫題跋記

楊妹子題馬遠畫有楊娃之章一小方印

呼桓日記

宋姬者宋肅王樞之女也幼戲水濱得玉印一文曰

金妃之印靖康遭掠入金金主強納爲妃

可傳集

湯正域女寫梅竹每以父閒菴圖書識其上

珊瑚網

明樂安長公主小印篆刻極精公主光宗女熹宗時

所稱皇八妹者

印數

熹宗賜客氏金印一顆四爪龍紐玉筋篆文凡九字

分三行曰欽命奉聖夫人客氏印

附中志略

徐驚鴻畫扇印文曰徐夫人婦人用男子事巧合印史

秦淮妓有私印曰同風月平章事

野獲編

冒辟疆姬人金珙蔡舍合畫紅梅玉茗小印文曰書

中有女畫中有詩

續印史

祥符人發一古冢乃東漢馬武妾葬處中有香奩一具脂粉宛然奩底一小銅印鐫妾莫如三字急就篇有解莫如之句注云漢有毛莫如

池北偶談

公主印池用金廣取容印公主印篋飾以渾金瀝粉

盤鳳

明會典

太微天帝授夫人神鳳之章使封山召雲

南岳夫人傳

梁小玉有詠篆章詩

如娘集

奮史卷四十八

益史卷四十九

東吳王初桐于陽篡述

京口高雲青士校刊

幹畧門一

勇武上

孟光有力能舉石曰

後漢書

赤土國王飾四婦人如金剛力士之狀夾門而立

隋書

嘗見一牛渡河岸陡數人挽之不得上一婦以兩手

持其前兩足曳之起聲色不動

見聞錄

乍浦有鐵墩重三百觔偶有姑嫂二人隨從僕媵甚

都似右族豪家來遊其處笑相讓舉之其嫂掇至平

胸十三舉氣色如常其姑舉之又加四焉

述異記

西洋婦女以一絲一莖挽運千萬斤重物

西洋考

劉遐妻邵續女驍勇有父風遐爲石季倫所圍妻單將數騎拔出遐於萬獸之中

六帖

武后專政越王貞等將起兵以書約駙馬都尉趙瓌瓌妻常樂公主謂其使曰爲我報諸王若是男兒不應至許時尚未舉動昔隋文帝將篡周尉遲迥是周家外甥尚能起兵功雖不成猶爲忠義鬼況汝諸王並國親枝今李氏危若朝露而猶豫不發乃使扶義

尉甥獨美于前乎我雖婦人亦思攘袂

女世說

威遠州婦人勇捷走險如飛

南詔通記

花山賊三十六人內一婦人尤勇捷縱橫出沒畧無

忌憚殺傷官兵無數三省撥兵不能收捕

輟耕錄

蜀先主孫夫人權妹也才捷剛勇有諸兄之風侍婢
百餘人皆執刀侍立先主每入心常凜凜

法正傳

賈充前婦是李豐女豐被誅離婚徙邊後遇赦得還
充先已取郭配女武帝敕聽置左右夫人李氏別住
外不肯還充舍郭氏語充欲省李充曰彼剛介有才
氣卿不如不去郭氏于是盛威儀多將侍婢既至入

戶李氏起迎郭不覺脚自屈因跪再拜 世說新語

韓蘄王夫人京口娼也蘄王納之後封兩國夫人蘄王嘗邀兀术於黃天蕩夫人親執桴鼓金兵終不得渡一夕兀术鑿河遁去夫人奏疏言世忠失機縱敵乞加罪責舉朝爲之動色其英偉如此 鶴林玉露

宋黃平州宣娘有武畧嘗領兵營于黃平今城北有宣娘壘 貴州通志

齊鬱林王何妃與侍書馬澄鬪腕較力 南北史合注

李超以武技聞偶見一少年尼弄藝於場觀者填溢李技癢因騰一蹶去尼駢五指下削其股李覺膝下

如中刀斧蹶仆不能起輿歸股已斷矣

嶺野人間話

登州富室鄭某娶媳土寇于七率眾而往舉家惶懼
新婦曰久聞君名願與爲戲于笑令健兒與新婦角
婦捷如飛隼一轉瞬而健兒皆北于忿甚投袂躍出
相持僅數合遽顛仆於地泥首踉蹌而去

澤國雜志

元女戰經一卷元女兵法四卷

隋書經籍志

虞潭征蘇峻潭母孫氏盡發家僮令隨潭助戰負其
所服環珮以爲軍資

晉書

馮寶妻沈氏知兵會高州刺史李遷仕反沈氏曰遷
仕無能爲也宜遣使詐之曰身未敢出欲遣婦往參

彼必無防慮我將千餘人步擔雜物唱言輸賅得至
柵下賊亦可圖遷仕果喜不設備擊之大捷

女世說

女子善將兵者有保寧洗氏陳氏

雞肋剩言

石勒妻劉氏有膽畧勒與之參決軍事佐勒建功勳
十六國春秋

唐高祖起兵女平陽公主夫柴紹欲往慮不能偕主
曰公行矣我自爲計遂發家貲招亡命得數百人諸
賊皆來會乃申法誓衆遠近咸附勒兵七萬威振關
中與紹對置幕府號娘子軍

南部新書

西川節度崔寧入朝楊子琳襲其城寧妻任氏素驍

果卽出家財十萬募勇士得千人設部隊手自麾兵
逼子琳子琳大懼而還

舊唐書

竇建德救王世充唐拒之于虎牢建德妻曹氏勸使
乘唐國之虛西抄關中唐必還師自救此兵機也建
德曰非女子所知

容齋隨筆

李克用妻劉夫人嘗隨軍行軍機多所取益

北夢瑣言

李克用困於上源驛左右先脫歸者以汴人爲變告
其妻劉氏劉神色不動立斬之陰召大將約束謀保
軍以還克用歸欲攻汴劉氏曰當訴之朝廷若擅舉
相攻天下孰能辨其曲直克用乃止

容齋五筆

太祖得猛火油卽選騎二萬欲敗幽州后晒之日豈
有試油而攻一國乎幽州城猶無皮樹耳但以三千
騎伏其旁掠其四野使城中無食不過數旬城自困
何必如此躁動輕舉萬一不勝爲中國笑吾部落亦
解體矣太祖乃止

契丹志

太祖圍李筠于澤州筠有妾劉氏謂筠曰城中健馬
幾何筠曰爾安問爲劉氏曰孤城危蹙破在旦夕今
誠得馬數百匹與腹心將士潰圍而出保昭義求援
河東猶愈于坐而待死也筠然之是夕將出或阻之
筠猶豫不決城遂陷

東都事畧

夏寇之母梁氏引兵至順寧寨圍之數重時寨兵甚少人心危懼有老娼李氏得梁陰襲事甚詳乃登陴抗聲罵之盡發其私夏人皆掩耳併力射之莫能中李言愈醜夏人度李終不可得又恐梁之醜迹彰著遂中夜解去

夢溪筆談

劉仁瞻守壽春幼子崇諫夜泛舟渡淮北仁瞻命斬之監軍使求救於夫人夫人曰妾於崇諫非不愛也然軍法不可私名義不可虧若貸之使劉氏爲不忠之門妾與令公何顏以見三軍趨命斬之然後成喪戰士無不落淚

容齋隨筆

蔡城被圍完顏仲德妻率諸命婦自作一軍運矢石
城下城中婦女爭出繼之

完顏史記

馬臯被誅間勁周恤其妻一丈青以爲義女後勁說
張用歸朝以一丈青妻之遂爲中軍統領有二認旗
在焉前題曰關西真烈女護國馬夫人

女世說

遼景宗睿知皇后蕭氏習于軍政澶淵之役親御戎
車將士用命

續文獻通考

巳酉仲秋之夜武宗與嬪妃泛月太液池中畫鷁中
流蓮舟夾持舟上各設女軍居左者冠羽冠斑文甲
建鳳尾旗執泥金畫戟號曰鳳隊居右者冠漆朱帽

衣雪擎裴建鶴翼旂執灑粉雕戈號曰鶴團又綵帛
結成採菱採蓮之舟輕快便捷往來如飛帝乃開宴
張樂令宮女披羅曳縠前爲八展舞歌賀新涼一曲
帝喜謂妃嬪曰昔西王母宴穆天子于瑤池今朕液
池之樂不減瑤池也惜無上元夫人在坐不聞步元
之聲耳有駱妃者素號能歌趨出爲帝舞月照臨而
歌曰五華兮如織照臨兮一色麗正兮中域同樂兮
萬國歌畢帝悅賜八寶盤玳瑁盞諸妃各起賀酒半
酣菱舟進鮮蓮綵奉貢紫角玉心之奇山盤而至絳
房金的之異陵壘而來由是下令兩軍水擊爲戲風

旋雲轉戟刺戈橫戰既畢軍中樂作唱龍歸洞之歌

而還

元氏掖庭記

猛女執兵符者雲韓娘用鄭露爲書記露撰赤雅一

篇記女君天姬隊歌舞戰陣之制

靜志居詩話

周浦詩山東有賊紅羅女用兵迅疾如風雨

浮峯集

女子爲將軍者晉瑯琊王廡起兵以已女爲貞烈將
軍悉以女人爲官屬以顧琛母孔氏爲軍司馬時年

已百餘尚能執堅破陣

荷亭辨論

楊大眼妻潘氏善騎射嘗自詣軍省大眼至攻戰遊
獵之際潘亦戎裝齊鑣並驅及還營同坐幕下對諸

寮佐言笑自得大眼指謂人曰此潘將軍也

女世說

李全與金兵戰逐北有繡旗劉女將馳槍突圍全幾不免

金史

楊子扈言曰繡旗女將可對錦繡夫人

李全犯揚州爲王師擊殪其妻楊姑姑有將畧懼朝廷必討遂掃衆盡俘執南官北去

梅圃詩話

女子木蘭代父從征身被戎裝凡十三年同火之卒不知其是女兒

獨異志

碧湖雜記曰十年而歸

木蘭隋宋州人姓魏氏有志勇代父從征歷年一紀閱十八戰凱還天子嘉其功除尙書不受奏懇省親及歸釋戎服衣舊裳同行者駭之聞于朝召赴闕欲

納之宮中木蘭曰臣無嬖君之禮遂自盡帝驚憫贈將軍諡孝烈鄉人立廟祀焉

一統志
姓朱氏

焦氏筆乘曰

韓氏保寧民家女也遭明王珍亂恐爲所掠乃易男子服混處民間既而果被擄居兵伍中從征雲南往返七年人莫知爲女子也後遇其叔父攜歸以適尹氏成都人稱爲韓貞女

玉池談屑

田州女土官瓦氏嘉靖十四年調之征倭至蘇州索有司捕蛇爲軍中食敗倭于王江涇

靜志居詩話

四川石柱女帥秦良玉帥師勤王召見賜綵幣御製詩旌之曰蜀錦征袍手製成桃花馬上請長纓世間

不少奇男子誰肯沙場萬里行

崇禎遺事

良王忠勇多大畧敗奢崇明於佛圖關破安邦彥於
平越功居第一張獻忠僭號四川鑄金印齎之不爲
動賊黨無敢入其境者

南隱紀聞

秦良玉敗羅汝才於夔州斬千餘級奪汝才大纛擒
其渠六人

資治通鑑綱目三編

秦良玉女將掌兵一時無兩

貞勝編

劉夫人名淑南昌人忠烈公鐸之女也盡讀父之遺
書翦及禪學劍術孫吳兵法一一精曉歸王次諸次
偕天夫人孀居癸未逆闖逼京師傳聞鼎湖之變夫

人乃散家財募死士得數百人併其童僕悉以司馬
法部署指揮成陳士卒咸用命然孤軍寡援自念當
寇徒死無益會滇帥張某適至聞夫人名請謁夫人
開壁門見之流涕爲言滇帥心持兩端不肯赴敵醉
後語復不遑夫人怒卽筵間拔劍將斬帥帥環柱走
一軍皆驚思反兵相攻咸被甲夫人曰殺一女子何
甲也然五步之內汝不得恃衆索紙筆賦一詩見志
有銷磨鐵膽甘吞劍抉却雙瞳欲掛門之句題畢從
容責帥慷慨仗劍指陳大義諸軍聞之無不變色却
立者帥悔且懼率其麾下叩首荆請夫人曰婦言不

出閭吾爲國難以至于此事之不濟天也將軍好爲

之跨馬而去

巢震林史闕文補

王西樵曰此媛甚

阮太沖作女雲臺二卷記古女子婦人建義旗滅盜

賊事多至數十百人

因樹屋書影

王敦反吳郡太守張茂爲敦黨沈充所害茂妻陸氏

傾家產率茂部曲先登討充報其夫仇充敗乃詣闕

上書爲茂謝不克之責詔贈茂太僕

晉書

太守馮寶卒冊寶妻沈氏爲高涼郡太夫人賚繡幃

油絡駟馬安車鼓吹麾幢旌節如刺史之儀王仲宣

反夫人帥師討之披甲乘馬撫巡諸州嶺南悉定封

譙國夫人開幕府署官屬給印章便宜行事黎僚亡
叛夫人親載詔書自稱使者歷十餘州所遇皆降沒
謚誠敬廟食千年

嶺表錄異

丁仲謀妻偕夫至交趾夫爲賊所殺妻於船上得一
斧舉以破賊

列女傳

史思明叛衛州女子侯四娘滑州女子唐四姑青州
女子王二娘相與插血赴行營討賊滑濮節度使許
叔冀表其忠皆補果毅將軍

冬夜箋記

高介地侵掠梁部獲魏衛妻王氏逼而妻之後介地
飲酒醉臥王氏取其佩刀斬之賊衆乃散高祖封爲

崇義夫人 唐書 肅虹筆記作奇義夫人

李毅刺史章州討夷寇戰死輒推其女秀領州事同將士守拔草炙鼠而食之卒破賊時以秀所築城爲天女城 南詔通記

寨將夫人姓虞唐末黃巢破西衡州虞氏躬被甲冑率兄弟及鄉兵戰禦黃賊遂北虞氏亦死鄉人立廟大有靈應宋嘉定間封顯佑夫人 嶺南名勝志

修容姑好善里中盜起闔門惶駭忽一老嫗至曰汝家多陰德盜雖亂吾能匿汝袖中山黑綾二尺製作條于每人令繫一條于臂曰不必備飲食第隨我行

耳家中一切無所損修容母女隨至一道院老嫗指一神像曰是神慈悲汝等可潛其左耳于是教修容母女閉目負之而入神像亦不大母女處之如一間屋中老嫗朝夕來視神像耳孔僅容指凡飲食至耳孔輒大一日盜突入院中兵器羅列甚利修容從耳孔中窺之甚寒心一夕老嫗持一人頭示修容曰渠魁已斬餘無足慮修容問何不早行之曰雖係盜亂亦天數然吾何敢違天今天命吾斬則斬耳于是用法如前負而出歸至家修容拜以爲師誓修苦行以報德老嫗曰汝仙骨尚微無徒勞也教修容作萬壽

粧歌連遷曲後不知所往修容歸丁元雍也

女紅餘志

理宗仁懿皇后蕭氏道宗尊爲皇太后太叔重元反

太后親督衛士擒之

遼史

遼后妃往往習于軍旅如應天后之奮擊室韋古所

未有也

玉璫集

永樂八年勅涼州都督吳允誠妻曰比韃寇以兵脅

爾爾能守節勵志謀執叛者戮之以婦人而乘丈夫

之節朕甚嘉焉今賜爾綵幣十表粟米百石鈔四千

貫羊百羖用示褒嘉

弇山堂別集

土官陶瑨祖母阿囊正統間叛寇入境阿囊率所部

禦賊斬馘甚多境土以安封太淑人

景東府志勝

德州放馬賊晝劫上供銀州解與捕快呼天泣忽有夫婦二騎從北來諸捕驚相慶曰保定名捕至矣諸捕控馬問從何來名捕言進香泰山耳然名捕病甚其妻一短小婦人以皂羅覆面手抱嬰兒諸捕告之故哀求相助名捕曰賊幾人曰五人曰余病甚吾婦往足矣婦下馬抱兒與夫更束馬肚結縛裙褲攘臂抽刀長三尺許光若鏡夫言將我箭去妻曰吾彈當勝箭言未訖身已在馬上絕塵而去諸捕皆奔馬隨之須臾追及賊騎婦大呼曰我保定名捕某妻爲官

銀故來相索宜急置無當我九也賊言牝猪敢爾五
弓同發射婦婦以彈弓撥箭悉落地急發一彈殺一
人四人拔刀擬婦婦接戰揮斥如意復斫殺一人三
人懼稍却婦曰急置銀昇兩尸去似死無益也三人
下馬乞命置銀以二尸縛馬上而逸俟諸捕至昇銀
而還此婦猶旖旎尋常下馬拜諸捕曰妮子著力不
健縱此三虜要是裙釵伎倆耳

見只編

武帝時女子乘亭障

紀纂淵海

孫恩陷會稽王凝之被殺妻謝道韞聞寇至舉措自
若命婢肩輿抽刀立門手殺數人乃被執

通鑑

姚萇襲苻登營陷之登后毛氏彎弓跨馬率壯士數百與戰殺七百餘人衆寡不敵爲萇所執萇欲納之毛氏仰天大哭曰逆哉萇前害天子今又辱皇后天乎天平行取爾地下治之耳遂被害

前秦錄

梁兵圍魏梓潼太守苟金龍抱疾妻劉氏修戰具率士人登城拒戰百有餘日戍副高景陰謀叛劉斬景及其黨十餘人已外城陷并在城外渴死者多劉氏集長幼訴天并時號叫俄而雨澍劉命出公私布絹及衣服懸之城內絞而取水所有雜器悉儲之梁卒不能克

女世說

荀崧小女灌幼有奇節崧守襄城爲杜會所圍力弱
食盡欲求救於故吏平南將軍石覽計無所出灌時
年十二乃率勇士數十人踰城突圍夜出賊追甚急
灌督厲將士且戰且前竟達覽所請兵又爲崧書與
南中郎將周訪訪率三千人會石覽俱救崧賊聞兵
至散走

華陽國志

嘯虹筆記作荀瑾女

馮寶妻沈氏超健善戰每戰則錦繡寶幃至老未嘗
敗年八十而終封石龍夫人

楊子卮言

王若與妻夏氏有戰功封武威郡夫人

唐書

晏溥妻趙氏靖康初戎服率義士與賊力戰

舊史

明皇與貴妃每酒酣使妃于絃宮妓百餘人帝絃小
中貴百餘人排爲風流陣以霞帔錦被張之爲旗幟
兩相攻擊敗者罰以巨觥

開元天寶遺事

陸夫人好佛嘗夢神人謂曰吾界汝佳次婦夫人不
識所謂後其子一夕被盜明夕小開之三鼓聞後園
相擊聲其子起覘之則後垣已壞殘月中見一女子
與一人鬪其人力竭仆地女子提鐙去之呼曰賊斃
吾手矣吾佳次婦也遂飛去

文苑餘志

川中劉指遇一畫舫中有麗人婢僕森侍及夜蒼頭
語指云舟中麗人主人愛妾主人卽此地某官也任

滿將還移晷至此以埃欲暫假棲指即掃室次之一
日麗人遣蒼頭告指曰今夜有仇家率眾相殺萬勿
開門及半夜果若數十百人持刃格闕者清晨視麗
人婢僕俱不知所之惟腥血滴漚階除堂中置金一
餅又一帖書四字云留謝高誼

見聞錄

朱序鎮襄陽村不圍之序母韓自登城履行謂西北
角當先受弊遂領百餘婢并城中女子於其角斜築
城二十餘丈賊攻西北角果潰眾便移守新城爲夫
人城

晉書

湖廣通志作張夫人

魏万俟醜奴反圍岐州孫道溫妻趙氏謂城中婦女

曰今州城方陷吾輩安歸死苦生辱義在同憂遂相率負土晝夜培城城竟完

女世說

鄒保英任刺史寇至城將陷保英妻奚氏率城內女丁固守賊退封誠節夫人

列女傳

李謹行妻劉氏在代奴城赫那攻之劉氏擐甲率眾守城賊退封燕郡夫人古元應妻高氏固守飛狐城卒免爲突厥所陷詔封狗忠縣君

唐書

李希烈謀襲陳州李侃欲逃妻楊氏曰城不守則君廩府庫皆賊積也百姓皆賊戰士也遂募死士固守賊遂退

紀纂淵海

揚州刺史任城王他出梁將姜慶貞襲之任城太妃
孟氏勒兵登陴先守要便激厲文武安慰新舊勸以
賞罰將士咸奮太妃親巡城守慶貞乃退

說儲

賊犯沁水張銓妻霍氏躬率僮僕守城矢石並發傷
賊甚衆賊退冀北道表之曰夫人城

流寇始末

宋紹定間寇破寧化曾婦晏氏自爲一砦以拒寇鄉
人挈家趨砦者甚衆晏又析砦爲五互相應援賊弗
能攻凡存活老幼數萬人事聞封恭人

一統志

許夫人聚兵立山寨甚盛周彥榮每至其寨往來許
悅之因嫁焉遂闢諸山寨

癸辛雜識

馮夫人名嫖漢官人也乘錦車持節和戎

女世說

漢書西域傳馮夫人和戎事甚奇而六朝唐人無入
篇詠者惟劉孝威詩云錦車勞遠駕駱賓王詩錦車
朝促候徐堅詩雲搖錦車節而已

升菴外集

梁湘東王嘗出軍有人將婦從者王曰才愧李陵未
能先誅女子將非孫武遂欲驅戰婦人徐君禕時爲
諮議參軍應聲曰項籍壯士猶有虞兮之愛紀信成
功亦資婦人之力

梁文記

王智興破姚海獲美女三人智興曰軍中有女子安
得不敗卽斬以徇

爨下語

韋孝寬爲元帥每臥帳中遣婦人傳教命

五車罪王

韓宏飾名妹遣李光顏秀曼都雅光顏曰將上皆棄
妻子奈何獨以女色爲樂遂遣之

雞肋

柴紹軍中使二女子舞

客齋隨筆

客齋隨筆記軍中女子數事皆指一人耳按商子云
壯女爲一軍又舊唐書云用兵年从女子皆可爲孫
吳是全隊用女子不止如孫武教習而已

月鉅總錄

交趾女子徵側及其妹徵貳反徵側者蘆治縣雒將
之女也嫁爲朱鸞人詩索妻甚雄勇交趾太守以法
繩之側怒故反自立爲王

後漢書

女子作賊者漢交趾女徵貳徵側反擾嶺外六十餘城唐睦州女子陳碩真反破睦歙二州明永樂時唐

賽兒反

雜記

陳州有一婦人爲賊帥號曰白頸鴉其屬數千皆男子前後有侍夫數十人少不如意皆手刃之能左右

射被雙韃日可行三百里盤矛擊劍皆所長也後爲

兗州刺史

玉堂閒話

苻平辨論曰白頸鴉爲兗州

宏治中降暢妻米魯反所居寨曰承天自號無敵天

皇出入建黃龍

明史

齊史卷四十九

太史卷五十

東吳王初桐于陽菴述

同里毛大瀛海客校刊

幹畧門二

勇武下

龐娥親者龐君安之女君安爲李壽所殺娥親陰市
名刀志欲刃壽後以白日遇壽都亭前便叩壽馬叱
之壽迴馬欲走娥親奮刀斫之傷馬馬驚擠壽道邊
溝中娥親就地斫之中樹刀折因前欲取壽所佩刀
殺壽壽護刀大呼跳梁而走娥親左持其額右搯其

喉反覆盤旋應手而倒遂拔其刀以截壽頭持頭徐

步赴獄刺史表上稱其烈義刊碑顯其門閭

漢魏春秋

海曲有呂母者子犯小罪縣宰殺之呂母密聚客以報讐母家素豐資產數百萬乃益釀醇酒買刀劍衣服少年來沽者皆貰與之視其乏者輒假衣裘二年欲相與償之呂母泣曰縣宰枉殺我子欲爲報怨耳少年許諾相聚得數百人因與呂母入海自稱將軍遂破海曲執縣宰殺之以祭其子家

東觀漢記

孫翊之妻徐氏甚美賊馮覽殺翊欲逼徐氏徐氏乞至晦日設祭除服覽許之徐氏遂潛使親信者語翊

舊所委任將孫高傳嬰二人具白逼已之狀欲徵立計以求助高嬰等涕泣許之至晦日設祭盞哀畢乃除服薰衣沐浴內施帷帳以候覽覽遣伺之無復疑慮徐氏命高嬰輩羅住戶外覽入戶徐氏卽呼二君可起高嬰等齊出卽時殺覽徐氏却服縗絰使持覽首以祭墓

吳志

謝小娥嫁段居貞居貞與小娥父作賈江湖並爲盜所殺小娥夢父告曰殺汝父者申蘭殺汝夫者申春小娥尋訪歲餘得之乃詭服爲男子託傭蘭家見所盜物故在一日蘭醢酒會羣盜蘭與春皆醉小娥斬

蘭首大呼捕盜鄉人擒春并其黨皆抵死小娥削髮爲尼

豫章雜記

氏族大全所載畧同

尼妙寂景氏初嫁任華父鼎與華往賈不返妙寂忽夢父曰吾與汝夫皆遇盜死矣殺我者車中猴門東草殺汝夫者禾中走一日夫妙寂覺而慟哭遂緇服於瓦棺寺李公佐至寺妙寂以前事問之公佐曰猴申生也車去兩頭而言猴非申字乎門東草非蘭字乎禾中走者穿田過也一日夫非春字乎殺汝父者申蘭殺汝夫者申春也妙寂悲喜嗚咽乃男服易名乏備于江湖間聞申村有申蘭遂求備焉俄又問其

從弟名春因謹事之一日值二盜醉奔告於州乘醉

而獲一問而辭伏就法

幽怪錄

秦女休爲燕王婦爲宗報讐殺人都市

樂府詩集

王子春被從兄長忻夫妻所害長女甫七歲與二妹
寄食親戚家及笄不肯適人乃與二妹中夜持刀入
長忻家殺其夫婦以告父墓因詣縣姊妹爭爲謀首
縣不能決隋文帝原其罪

趙記

孝女衛無忌其父爲衛長則所殺無忌擊長則殺之

詣吏就戮褚遂良以聞太宗嘉其孝烈免罪

唐書

申屠氏名希光嫁董昌爲妻靖康二年大豪六一聞

其美而悅之乃誣昌重罪強委禽焉希光謬許之密寄其孤于昌之友人乃求利匕首懷之以往成禮入室卽以匕首刺之帳中復殺其侍者二人至夜中詐謂六一卒病以次呼其家人家人先後奔入希光皆殺之盡滅其宗因斬六一頭置囊中馳至董昌葬所祭之悉召山下人告曰以此報董君我死不愧矣以衣帶自縊

吳丞相手錄

主术見一卒妻美殺其夫而納之寵嬖殊甚术有所佩匕首極利寢則枕之他日方寢此婦取匕首將殺之术覺驚問婦曰將殺汝术曰何故曰欲爲吾夫報

警忬默然久之曰吾不忍殺汝當爲汝別求夫乃盡
集諸將使自擇婦指一人卽以嫁之

談藪

北京有夫婦攜一幼女來南以賣腐爲業積十餘年
蓄貲二百金女年及笄姿色韶艾欲還北擇配乃僦
裝同行纔二十里見兩騎挾弓刀視女貌美強抱上
馬疾馳夫婦追及哀號騎拔刀殺之并取二百金復
行數十里女見道旁有井作言口渴索水騎許之遂
下馬取水使一人守女一人往高樓中取汲器未及
至女躍入井中取汲器者至以汲繩繩一人入井以
繩縲女引之出復垂繩引救女之賊井上者方鞠躬

下視垂手力引女乘勢推之遂併墜女乃跨賊馬奔
高樓家訴其故村人齊赴視井果有二賊其一折頸
死矣遂引其一出甫上女拔賊刀斷其首橐金咸在
衆共報之州守遣驗其父母屍果然大奇之曰汝父
母盡歿吾又無子女汝爲吾女可乎女稽首謝乃迎
之入署擇諸生未娶者歸焉益倍其橐

述異記

商禹忤邑豪被豪嗾奴搗斃禹女曰三官年十六忽
夜遁半載後會豪誕辰招優爲戲優人孫淳攜弟子
李玉往韶秀如好女豪悅之洒閨人散留與共寢玉
俟諸僕出閨扉下鍵焉移時聞格格有聲一僕往問

之並無應者呼眾排闥入則主人身首兩斷王已經
死眾移玉屍於庭覺其襪履虛若無足解之則素帛
如釣蓋女子也商氏二子往視乃三官 秋谷雜編

畢著字韜文父守薊邱與流賊戰死屍為賊虜著即

于是夜率精銳入賊營賊正飲酒著手刃其渠與父

屍還葬時二十歲女子也

別裁集 著欽縣人後嫁
崑山王聖開

石虎有馬妓著朱衣進賢冠立于馬上走而作書字

皆端正

鄴中記

臨川王妾江無畏善騎馬翠眊珠羈玉珂金鐙

女紅
餘志

于閨婦人乘馬馳走與丈夫無異

洛陽伽藍記

貴妃將乘馬高力士執轡授鞭 太真外傳

明皇以七寶鞍賜張后 開元天寶餘事

秦國死號國韓國獨盛號國又與國忠亂畧無儀檢
每入朝謁國忠與韓號連轡揮鞭驟馬以爲諧謔從
官嫗嫗百餘騎秉燭如晝鮮裝袞服而行不施幃障
觀者無不駭嘆 孔氏六帖

號國夫人出入禁中常乘紫驄黃金爲銜轅錦繡爲
障泥 明皇雜錄

萬年縣女子劉凝靜乘白馬著白衣男子從者八九
十人太史令執之以聞 唐書

宋初貴主乘馬金鞍勒瑪瑙鞭金撮角紅藤下馬机
子 錢氏私志

光獻曹太后常作珠子鞍子鞍轡上施紅羅銷金坐
子賜神宗 孔平仲談苑

公主出降有宮嬪數十皆眞珠釵插巾朶玲瓏簇羅
頭面紅羅銷金袍帔乘馬雙控雙搭 東京夢華錄

妓女舊乘驢宣政間皆乘馬 雞肋集

薛素素少遊燕市與五陵年少竝轡出郊觀者如堵
梅花渡異林

吳姬十五細馬馱 海錄碎事

楊太真上馬圖其上馬時態儼有生色太真及諸媛
應俱善騎觀麗人行足下何所著紅蕖羅襪穿燈銀
又當軒下馬入錦茵可想也 并州四部棗

上元節楊氏五宅夜遊與廣寧公主騎從爭西市門
楊氏奴揮鞭誤及公主衣公主墜馬 太真外傳

唐妃騎馬遊西海子馬驚妃墜 中官考

田藝衡借內子遊山日暮共跨一驢入城 本事詩

扶南國婦女乘象 蕭子顯齊書

吳山黃夫人有一虎名白公出入常騎之 強意堂稿

狼婦最美常繡衣騎牛入市貿易 粵西偶記

劉平戍棗陽與其妻胡俱道宿車下平爲虎所得刳

起追及之殺虎脫其夫

松雪齋集

王憚有劉平妻胡氏殺虎圖詩

秋澗集

方寧妻官勝娘寧耨田勝娘饒之見一虎方攫其夫

勝娘棄饒奪挺擊之虎舍去

虎苑

辰州民妻奮拳連毆斃二虎

見聞錄

吳女名六年十三與姊入山采薇遇虎攫姊去六女

操杖追之虎伏首閉目若伏罪狀姊乃脫

異林

威縣某爲虎所撲婦挺鎗刺虎貫腮及胃鋒刃從左

脇而出虎死婦負其夫歸呼救復蘇

古處集

姚母出汲虎銜之去女追掣虎尾虎欲前女掣之益力尾遂脫虎負痛躍去

餘姚縣志

沈明臣有大樹村劉氏少婦打虎行

豐對樓集

王氏女建德人父耘舍旁爲豹所噬女趨救以父所棄鋤擊豹殺之父得生

元史

東越有大蛇歲必噉童女不則爲禍已用九女偶一歲覓女未得李誕有小女寄請行以劍斫殺之入穴得九女髑髏越王乃聘寄爲后

坤元錄

奩史卷五十

藝文卷五十一

東吳王初桐于陽篋述

同里李保泰齋生校刊

幹畧門三

武具

漢時南越蠻王有女蘭珠美而艷製弩最精

粵嶠志

金禕有胡婢善射

三輔決錄

苻登妻毛氏有姿色善騎射

前秦錄

胡太后善射嘗幸法流堂自射針孔中之又登雞頭山自射象牙簪一發中之

後魏書

高歡迎蠕蠕公主還爾朱妃迎於木井北與蠕蠕女相見女引角弓仰射翔鳴應弦而落妃引長弓斜射飛鳥亦一發中之歡喜曰我二婦並堪擊賊

北齊書

唐太祖后劉氏嘗從征伐爲人明敏多智畧頗習兵機常教其侍妾騎射以佐太祖

五代史

宋徽宗閔子弟挽強訖賜輔臣坐列宮人殿下鳴鼓擊柝躍馬飛射剪柳枝射綉毬擊丸據鞍開神臂弓妙絕無倫帝顧曰婦女尚能爾

女世說

射弩兒女流林四九娘

藝流集奉志

鄂倫春婦女皆勇決善射客至腰數矢上馬獲雉兔

作炙以餉載兒于筐裂布懸項上射則轉筐于背旋

同便捷兒亦不驚

韻沙紀畧

崔瑗字子玉東院人善騎射自入金陵深處閭閻中
未試其技後歸汪景純有鳳臺園喜曰可爲我築金
埒令足盤馬吾將與子射雉其間

燕都效品

周遇吉夫人劉氏驍勇多能賊至劉氏率婦女數十
人登屋而射每一箭死一賊賊不能迫

啓禎野乘

招遠令魯公之女公于好獵以射麋殺鹿爲快著錦

貂裘跨小驪駒翩然若翬

聊齋志異

石虎女騎皆手持雌黃宛轉角弓

鄴中記

婦女亦彎弓歐陽修詩也狀燕中風景

涿水亭雜識

密雲汪參將解任還維揚時羣盜塞路僕婦李雲娘請效軍人裝執弓矢以戒不虞汪異之授五石弓折之如斷梗凡易數弓悉不稱意乃取其家弓來遂腰箠插矢乘駿馬以從行至一荒原雲娘縱馬而前遙見十餘騎擁塵突至飛矢插雲娘袖雲娘拂袖矢落又一矢到雲娘隨以手承之卽發而發騎駭反奔中項仆地又于箠中出矢斃一騎餘皆散遁

觚廬

高宗憲聖吳后侍高宗航海金騎猝至欲竿御舟后發一矢應弦而倒高宗重于視師吳后奏曰若臣妾

裏尺五阜紗須一往矣

四朝聞見錄

寶歷中帝造紙箭竹皮弓紙間密貯龍麝末香每宮
嬪羣聚帝躬射之中者濃香觸體了無痛楚宮中名
風流箭爲之語曰風流箭中的人人願

清異錄

陳宮人喜于春林放柘彈

南部烟花記

隱娘嫁磨鏡少年夫妻各跨白黑衛遇有鵲前噪夫
以弓彈之不中妻奪夫彈一丸而斃

聶隱娘傳

薛素素姿度艷雅善馳馬挾彈能以兩彈丸先後發
必使後彈擊前彈碎于空中又置一彈於地以左手
持弓向後以右手從背上反引其弓以擊地下之彈

百不失一

甲乙刺言

薛素素嘗置彈於小婢額上彈去而婢不知

靜志居詩話

張萱有按彈宮騎圖

宣和畫譜

王珪宮詞侍女爭揮玉彈弓金丸飛入亂花中

華陽集

僕固懷恩以疑懼叛其母提刀逐之曰吾爲國殺此

賊取其心以謝三軍懷恩走

懸榻編

韓楚言軍敗妻李語之曰君常辱成汭軍敗且支解

不如死楚言不決李礪刀席下復語之夫曰未可知

李取刀斷其首并殺二子乃自刎成汭以禮葬之刻

石表曰烈女

孔帖

有夫出而妻獨居者忽夜半見一道人從空而下迺與爲淫婦人入室取刀爲誓曰汝若逼我有死而已相持至曉乃一喫菜事魔人也

行營雜錄

豐城李某婦楊氏值兵亂爲小校王某所得王故有妻婦曲意事之甚見昵未幾王家漸落從軍去婦詭語妻曰妾故夫本富室當播越時曾以金珠潛瘞密室今夫死妾掇使得取來與夫人皆富矣但妾手自藏非妾行不可妻大喜乃釋笄薙辮褰袴腹弓刀從兩健兒躍馬南渡止旅舍以醇酒飲兩健兒皆醉夜潛戮之馳騎至里歇馬入門中堂踞坐其夫見是少

年軍將偃僕前謁伏地不敢起婦趨抱痛哭曰妾卽
被掠楊氏婦也具述其易裝巧脫狀事聞邑令給牒
獎許曰奇女子

職固雜誌

越有處女善用劍越王使使聘之乃加女號曰越女
當世莫能勝越女之劍

吳越春秋

西王母帶分景之劍上元夫人帶黃精之劍

漢武內傳

漢武帝七夕幸開襟樓忽見綵雲縹緲有美女騎一
物翩遷而下卽以所騎物上帝曰此榮東之劍羣仙
寶之能辟諸邪妾乘之而來頃刻百里矣

潛居錄

鍾夫人有寶劍可直百萬

世說

貞元中有湘媼嘗以丹篆救疾一日告鄉人欲往洞庭救數百人性命至洞庭前一日有大風濤碎一巨舟舟上所載百餘人居島上有一白龜游沙上人殺食之明日有城如雪圍島其城漸窄狹束其人爲族其間不廣數尺媼至岸飛劍刺之白城一聲如霹靂遂崩乃一大壘長千丈蜿蜒而甃後有一道士識湘媼乃劉綱妻樊夫人也

劍記

驢山老姥賜李密火星劍

畫史會要

夜梅者樊人婦也正統初木邦犯境夜梅手持尺劍殺其百十餘騎而歸

名勝志

皇后儀仗有班劍四

明史

趙有處女精劍術將見越王道逢老人自稱袁公問女曰聞善爲劍願得一觀之女曰惟公所試公卽挽林杪之竹折地女接取其末公操其本而刺女女舉杖擊之公卽飛上樹化爲白猿

吳越春秋

聶大將之女爲尼偷去授以劍術令執寶劍一口長一二尺許鋒利吹毛可斷一年後刺猿猱虎豺鷹無不中劍之身漸減五寸受以羊角七首廣三寸遂白日刺人于都市中人莫能見

劍俠傳

皇后儀衛有金斧二金鉞二

明會典

金楊四娘子勇而有力聚萬人爲盜能飛馬棚槍深入一尺時李全身長八尺手執鐵鎗亦同爲盜乃令飛馬拔之全不能拔下馬屈服遂爲夫婦

女世說

李全妻楊四娘子善騎射及全敗死四娘子謂其部將曰三十年梨花槍天下無敵手今事勢已去撐柱不行奈何遂絕淮去

女世說補

大盜李全妻楊妙真有勇力能用矛

齊東野語

盜都人取妾甚美嫡遇之虐日加鞭笞妾甘受之一夜盜入其室大婦惶懼不知所爲妾於暗中手一杖開門徑山以杖擊賊路數人餘皆奔竄夫詢其何以

能爾則其父所傳拳勇之技百大敵也問何以受嫡
虐而不言曰固吾分也

池北偶談

州城破張鋒妻丁氏謂兩婢曰今日必死曷若先出
擊賊殺賊而斃不失爲義烈鬼于是執挺而前賊先
入者三悉斃于挺羣賊怒搢刺之

汝州志

黃帝內傳元女請帝制甲冑又請帝制旗幟又請帝
鑄鉦鐃又請帝制鼓鼙

事物紀原

北魏古弼征馮宏宏令婦人被甲居中其精卒陳兵
于外遂東奔高麗

雜助

正統八年賜可汗妃花減金絨盔一頂劍金皮甲一

副十四年賜可汗妃戰袍一襲

實考

臨淮老妓某戚晚府中淨持也後爲東平侯女教師
甲申京師失守侯欲偵兩宮音息而賊騎充斥麾下
將無一人肯行伎奮然請往遂易跣跣持匕首問關
數千里穿賊壘而還

陳其年婦人集

尤何官閨小

妓冬兒也吳詩集覽袁子才曰冬兒與陳同園同爲

田宏遇所蓄後歸劉澤清徐鉉本事詩作冬哥

舊唐書卷五十一